

From  
Synod Literature & Publication Board  
Synod Office  
Mission Vêng, Aizâwl – 796 001  
Mizoram



Telephone : 69091 32893  
e-mail : [synodnews@gmail.com](mailto:synodnews@gmail.com)

Vol. XLI No. 4 A man ₹1/-

NEWSLETTER

April 2026

## LÂWRKHÂWM

### AUDITORS MEET 2026

Ni 17.3.2026 khân Synod Finance Department buatsaihin Synod Committee Room-I-ah Auditors Meet buatsaih a ni. Meet hi Rev. Dr K. Lallâwmzuala, Finance Officer-in a kaihrui a. Upa F. Lalmangaiha, Finance Manager-in inhmêlhriattîrna hun hmangin auditor-te tâna hriat tûr tûl a sawi a. Pu Zaihmingthanga Fanai, Accountant, Synod Office-in audit hna kalpui dân tûr a sawi a. Upa Kailianmânga, Income Tax Consultant-in audit kaihnawih Income Tax chung-chânga hriat tûr tûl hrang hrang leh fîmkhurna tûr a sawi bawk.

### BOOKROOM SOFTWARE THAR

Ni 19.3.2026 khân Synod Bookroom software thar, barcode scan theiha siam chu Rev. Dr. K. Lallâwmzuala, Executive Secretary i/c PRESCOM-in Pathian hnênah a hlân. Hlanna hun hi Upa Lalmuanpuia, Coordinator-in a kaihrui a. Software siamtu Siruk Consultancy aiawhin Pu Sunday Lalbiaknia, CEO-in thu tawi a sawi. Chumi zawhah Synod Bookroom Branch 15 ațanga kal incharge-te hnênah training pêk nghâl a ni. He software thar hi April 2026 ațangin hman țan a ni.

### THAWKTU THAR

Synod Service Board chuan Synod hnuai thawk tûrin hêng mite hi a la thar a, ni 14.4.2026 khân an hna hi an zawm:

#### Driver (Contract)

Lalthutiamia s/o Lalchhuanmawia Chhiahtlâng Chanmari

#### Maintenance Technician (Contract)

C. Lalhruaitluanga s/o C. Lalsângzuala Tlângnuam Vêngthar

## MIZORAM SYNOD KUTAH JORDAN CENTRE HLAN A NI

Ni 18.3.2026 tlai dâr 3 khân Pi Lalrinpuii, Social Welfare, Women & Child Development Department Minister hovin a pisaah Jordan Centre, Sêthâwn, Mizoram Synod kuta hlanna tûr inremna (Memorandum of Agreement) chu ziah fel a ni.

He inremnaah hian Commissioner & Secretary, Social Welfare, Women & Child Development, Pi Lalzârmawii, IAS leh Rev. John Râldosânga, Moderator, Mizoram Synod-ten hmang an ziak a; hriatpuituah sawrkâr lam ațangin Pi Zonunthari, Joint Secretary, SW&WCD leh Pi Caroline Hmingthanzuali, Joint Director, Social Welfare-ten hmang an ziak a; Mizoram Synod lamah Rev. V.L. Luaia Hrânleh, Senior Executive Secretary leh Rev. Dr K.

Lallâwmzuala, Executive Secretary-ten hmang an ziak bawk.

He inremnaa târ lan a nih dânin, Jordan Centre hi Mizoram Synod enkawl tûrin kum 15 atân hlan a ni a. Hemi chhûng hian sawrkâr in Mizoram Synod hnênah țanpuina (Grant-in-Aid) kum tin chêng nuai 50 a pe ang a, kum hnih danah 5%-a tihpun țhin a ni ang. He hmun hi ruihhlo avânga harsatna tâwkte tân de-addiction centre emaw, after care emawa kalpui a ni ang.

## SMB-IN TIRH CHHUAH INKHAWM HMANG

Synod Mission Board chuan ni 15.3.2026 (Pathianni) chawhnu dâr 1:30 khân Upper Republic Kohhran Biak Inah Masihi Sangati Kendra hnuai thawk tûr **Evangelist 8 tih chhuah inkhawm** a hmang a. Inkhawm hi Rev. R. Lalrinsânga, Director MSK-in a kaihrui a; Pu Albert Lalmangaiha, SMB Coordinator-in inhmêlhriattîrna hun a hmang a; Rev. R. Lalhming-sânga, SMB Secretary-in tih chhuahna hun hmangin thuchah a sawi a; Aizâwl East Area Choir leh Synod Mission Choir an zai bawk.

MS evangelist tharte hian kâr hnih chhûng Pre-Service Orientation an hman hnuin ni 9.4.2026 khân an thawhna hmun tûr an thleng a ni.

SMB vêk hian ni 29.3.2026 (Pathianni) zân dar 7 khân College Vêng Kohhran Biak In, Aizâwlah Synod Mission Board hnuai thawk tûr **Missionary 20 tih chhuah inkhawm** a hmang bawk a.

Inkhawm hi Rev. R. Lalhming-sânga, SMB Secretary-in a kaihrui a; Pu Albert Lalmangaiha, SMB Coordinator-in tih chhuahte a hmêlhriattîr a; Rev. Dr Rosiamliana Tochhawng, Executive Secretary i/c Mission-in tih chhuahna hun hmangin, thuchah a sawi a; Synod

Mission Choir leh Republic Vêng Bial Zaipâwl an zai a. Missionary, kumin 2026-a pension-a chhuak mi 18-te hnênah thuziak hlan a ni bawk.

Tih chhuahte hi hetiang hian an hna tûr ruat a ni: Evangelist Teacher 7, Evangelist 8, Evangelist-cum-Health Worker 1, Evangelist-cum-Music Instructor 1, Craft Teacher 3. Region wise-a an kal dân tûr: Home Mission 10, North East 4, Central 6.

Tih chhuahte hi March ni 3–25, 2026 chhûng khân SMTC, Mission Vêngthlangah Residential Missionary Pre-Service Orientation Training pêk an ni a; ni 9.4.2026 aia tlai lovah an awmna tûr thleng hman țheuh tûra beisei an ni.

SYNOD Newsletter

EDITORIAL STAFF

Rev. P.B. Zosâpthara  
 Rev. Dr K. Lallâwmzuala  
 Upa F. Lalthlamuana  
 Lalremmawia



TAIMAK

May thla kan lo chuankai leh ta. Synod Newsletter chhiartu zawng zawngte chibai kan bûk leh a che u.

Pi leh pute chuan 'Thawk peih lo chuan ei pawh ei suh se' tih tawngkam an lo hmang thîn a. Kum 2025 Synod Inkhâwmpui chuan 'Hnathawh uar leh taimâk inzirtîr ni rawh se' tih a rêl baw k a. Pi leh pute hunah khân ramtàng rual chuan hna a thawk ngei tûra ngaih kha a ni mai a. Hnathawh lova ina awm mai mai tlangvâlthe kha chu an en dân a dang deuh thîn ni âwm tak a ni.

Hun inherin sum leh pai kan zawn dân pawh a thlâk thui ta hle mai. Ram lama thawk lova, awlsam leh hahdam zâwka sum lâk luh dân kan dap a, chu chuan kan nunah nghawng thui tak a nei a, thatchhiat, zawmthâwt leh kut tling lova sum lâk luh duhna thlengin a hring chhuak ta a ni.

Kristian tamna rama kut tling lova sum lâk luhin thûk tak maia zung a kai ta hi thil inhme hloh tak a ni. Hêng a lo reh deuh deuh theihna tûr hian ngaihtuahna thar kan sên a hun ta.

"Kut tling lova sum ngah chuan lungngaihna a seng tel thîn," tih te hi thil dik tak a ni a. Ram leh hnam a dam zêl theihna tûrin taimâk kan inzirtîr thar zêl hi a tûl tak zet a ni.

SYNOD CHHAWMDAWLNA

Tûn hnaia harsatna hrang hrang tâwkte hnênah Synod Relief Fund aţangin hetiang hian chhawmdâwlna pawisa pêk a ni:

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
Thênzâwl				Mamit Lungsir			
Kanan Vêng	Damlo	2	20,000		Biak in kawmthlang lei		
Gurguti Salka	Damlo	2	20,000	Thingthelh	Biak in compound lei	min dâwl nân	20,00,000
Sihphîr Vêngthar	Damlo	1	10,000		dâwl nân		20,00,000
Sêrchhîp Chhim Vêng	Damlo	1	10,000	Khuangphah	Biak in ram lei	min hlauh-	
Ratu Chhim Vêng	In chia	1	5,000	awm vênna tûr lung rem nân			10,00,000
Kânmun Bial	Khuarêl chhiatna	139	13,09,000	Damparêngpui	Biak in hmun		
Pângbâlkâwn Bial	Khuarêl chhiatna	69	8,83,000	Tlângnuam PS	dâwl nân		6,00,000
Kaisanary Bial	Khuarêl chhiatna	7	1,10,000	Bûkpui	In kâng	1	20,000
N. Sêrzâwl	Damlo	4	40,000	Lunglêng-l	Damlo	2	20,000
Sevênphûl	In kâng	1	20,000	Mêlthum	Damlo	2	20,000
				Bawrai	Khawsak harsa	1	10,000
				Zote	Damlo	1	10,000
				<b>Belh khâwm</b>			<b>81,07,000</b>

MSSU

Hetiang hian Sunday School Zirtirtu Training pein trainer-te an chhuak:

Ni 19.3.2026 khân Tuikual South Kohhranah Upa H. Lalnginglova leh Upa C. Lalbiaksânga.

Ni 21.3.2026 khân Durtlâng West Branch Church-ah Upa B. Lalhmunliana leh Upa Zionpârlâwma, Champhai Electric Vêng Kohhranah Upa Hrilthansânga leh Upa R. Vânlalrhuai, Champhai Vêngthar Kohhranah Upa K. Zoremsânga leh Upa Lalrinmawia Râlthe, Hyderabad Mizo Church-ah Upa Zohmangaiha leh Upa H. Lalnginglova; Tuithiang Kohhranah Upa K. Vânlalnghâka, Upa H. Lalremruata leh Upa Lalsiammawia Pachuau.

Ni 28.3.2026 khân Centenary Kohhranah Upa Dr Lalmachuana, Upa Lalchuilova leh Upa C. Lalbiaksânga; Tanhril Vêngthar Kohhranah Upa Hrilthansânga, Upa Zionpârlâwma leh Upa Lalbiakliana.

Ni 31.3.2026 khân Himali Bialah Upa K. Vânlalnghâka leh Upa K. Zoremsânga.

SOCIAL FRONT

Ni 22.3.2026 (Pathianni) khân HIV leh Ruihlo Do Chungchâng Awareness Campaign hmanpuiin Ramthar North Kohhranah Upa Dr Thanchungnunga, campaigner a kal.

FINANCE

Ni 20.3.2026 zân khân Durtlâng West Branch Church-ah Synod sum vawn dân training pein thawktute: Upa David Lalnunfela, Upa R. Lalbiakdika leh Pu Clayton Mal-sâwmkima-te an kal. Training-ah hian mi 40 vêl an tel a ni.

KOHRAN HMEICHHIA

Ni 18.3.2026-a International Women's Day 2026 lawmna, Dâwrpui Multipurpose Centre, Aizâwlah Kohhran Hmeichhe aiawhin Central Kohhran Hmeichhe hruaitute – Pi K. Vânlalrâwni, Chairman; Pi Vânlalthlamuani, Vice Chairman leh Pi Vânlalnunsiami, Committee Member-te an kal.

Ni 22.3.2026 khân Kohhran Hmeichhiate John Williams Hospital, Lunglei tanpui nân ₹11,32,772/- an thawh khâwm chu Rev. Dr K. Lallâwmzuala, Executive Secretary i/c Kohhran Hmeichhiain Rev. H. Lalmingmawia, Administrative Secretary kutah a hlân. Kohhran Hmeichhiate hian ni 17.2.2026 khân Synod Hospital, Durtlâng charity fund atân ₹12,35,188/- an lo hlân tawh baw k. Hei hi kum 2025 Kohhran Hmeichhe Inkhâwmpui Lianin Synod Hospital, Durtlâng Charity Fund leh John Williams Hospital, Lunglei tanpuina puala wawi khat inkhâwm ve ve thawhlâwm lâk khâwm a rêl bawh zuina a ni.

# Râl Vêngtu

*Râl Vêngtu vên bûk chu miten an rawn pan khâwm leh a, "Râl Vêngtu, tânlaia kan mamawh tak hi min han hrilh teh," an rawn ti a.*

*Râl Vêngtu chuan, "Sawi tân tam tak a awm thei a; mahse, in chhinchhiah reng theih tân sei vak lovin ka hrilh ang che u. Rawngbâwlina hi sual inphen nân hmang ngai suh ang che u, nangmahni in inbum mai mai zâwk a ni. Miten hnung lam aţangin an nuih tet tet tho ang che u. Dik lo taka hausak thut aiin rinawm taka thawh chhuaha hausak hi a hlu. Ţhalaite u, ngun takin lo ngaithla teh u, mal tlat ngam Kristian Ţhalai hi kan ram hian a mamawh. 'Duh duh dâna awm chu duh loh dâna awmna' an lo tih kha, sual nawmna tem lo tân in vêng Ţha ula. I tem tawh chuan dawklak a awm duh a nia. Tân atân chuan duh tâwk phawt ang. Hêng hi tânlaia in mamawh niin ka hria," a ti a.*

*Mite chuan, "Râl Vêngtu, a hun takah kan mamawh tak thu min hrilh hi kan lâwm e. Mahni mi mal nunah seng luh kan lo tum Ţheuh ang e," tiin mahni in lamah an haw leh ta dam dam a.*

## TUMKAU NI

Ni 29.3.2026 kha Tûmkau Ni a ni a, Jerusalem-ah Lal Isua chawimawia a awm ni a ni. Mizoram Synod chuan hemi ni atân hian inkhâwm tum thum programme a siam.

## TRUST

Ni 17.3.2026 khân Tualchêng Pastor Quarters sak mêk enpuiin Pu Lalramênga Royte, JE a kal a. March ni 23&24 khân Synod House sak mêk leh Chanmari Pastor Quarters sak mêk enpuiin Upa Thanglian khûma, AE; Pu Lalhriatrenga, JE leh Pu Kros Nuntluanga, JE-te Lungleiah an kal bawk.

## SYNOD HOSPITAL, DURTLÂNG THILPÊK DAWNTE

(March 2026)

I. CHARITY FUND PETUTE		30. Khatla Pharmacy		2,000
1. Pi Lalremi, Zêmabâwk North	5,000	31. Hming thup		500
2. Dr Lalmalsâwma Nghâka		<b>Belh khâwm</b>		<b>1,85,420</b>
D3 Business Enterprise, Kulikâwn	5,000	<b>II. THISEN PETUTE Unit zât</b>		
3. Pu Zodinliana, Mission Vêng	2,000	1. KTP, Mission Vêngthlang Branch		51
4. K. Lalrohlu Linda		2. KTP, Lily Vêng North Branch		21
Tuithiang Vêngchhak	2,000	3. KTP, Khatla North Branch		32
5. Pi Chawngchhingi, Mission Vêng		4. KTP, Laipuitlâng Branch		23
MV-II, Below Synod Press	1,000	5. Ramhlun Vêngthlang Kohhran		
6. Victor Zothansânga, Mission Vêng	1,000	(Silver Jubilee pualin)		58
7. Pu C. Lalbiaksima, Durtlâng Leitan	15,000	6. YMA, Zotlâng Branch		43
8. Pi Lalnunsângi, New Siaha	1,500	<b>Belh khâwm</b>		<b>228</b>
9. P.C. Zârzo chûnga te nupa		<b>III. THIL DANG PETUTE</b>		
Zotlâng, Aizâwl	5,000	1. Upa H. Doliana, New Diakkâwn – tual		
10. Pu Hmingchungnunga, Suangpui lâwn	5,000	phiahna 2.		
11. Vânlalsângi, Kâwnpui Vêngthar	2,000	2. Pu C. Dêngthuma, N. Hlimen – hmunphiah		
12. Upa Vânlalthanga, Chalrâng	500	10.		
13. Hming thup	2,500	3. Pu Kâpkûnga, Durtlâng Leitan – Alehkhabu		
14. Pu F. Laldualova, Nursery Vêng	4,000	ziah 'Tiţiautu Tenawm' bu 40.		
15. Well Wisher	2,000	4. KTP, Kolasib Vêngthar Pastor Bial – Ţhut-		
16. Vânlalpêkhlu Kiangte		thlêngsei ngenchhan nei 2.		
Saitual Vênglai	1,000	5. Bilkhawthlir Pastor Bial Kohhran Hmeichhia		
17. KTP, Chhinga Vêng East Branch	5,000	– Grace Home pualin ₹10,000/-		
18. KTP, Bairabi Branch	5,000	6. MUP, East Phailêng Branch – Hmunphiah		
19. KTP, Kulikâwn Branch	8,350	114.		
20. KTP, Lêngpui Pastor Bial	10,000	7. Mizoram Nursing Council, Aizâwl – College		
21. KTP, Dâwpui Vêngthar Pastor Bial	32,070	of Nursing tân lehkhabu 'Anatomy &		
22. KTP, Bâwngkâwn Pastor Bial	10,000	Physiology in Mizo'.		
23. Kolasib Hmâr Vêng Pastor Bial		<b>LAWM THU SAWINA:</b> Hospital mamawh chi		
Kohhran Hmeichhia	10,000	hrang hrang petute chungah Pathian hmingin		
24. Thingdawl Pastor Bial		lâwm thu kan sawi a. A lét tam takin Pathian		
Kohhran Hmeichhia	5,000	malsâwmna lo dawng zêl ang che u. Thil pe duh		
25. Bairabi Pastor Bial		tân Director (94361 41739) leh Nursing		
Kohhran Hmeichhia	5,000	Superintendent (94361 52751)-te hnênah eng		
26. Kâwnmawi Kohhran	3,000	lai pawhin inhiattir theih a ni e.		
27. Sentlâng Kohhran	1,000			
28. Lungdai Kohhran	4,000			
29. Presbyterian Church of Wales				
(Manipur refugee tân)	30,000			

Rev. R. Lalvulluaia

Chaplain Sr, Synod Hospital, Durtlâng

## SL&PB

March ni 28&29, 2026 khân Literature Seminar leh Campaign hmanpuiin Pu Zohmangaiha, Asst Editor leh Upa Lalrammawia Ngênte, BEC Member-te chu Vânhêngpui Kohhranah an kal.

Ni 28.3.2026 khân Literature Seminar leh Campaign hmanpuiin Pu Eric Lalnunmawia, OA leh Upa K. Lalthâwmmawia, BEC Member-te Phunchawng Kohhranah an kal.

## WORSHIP

Ni 14.3.2026 khân Music Train-ing pein hetiang hian trainer-te an chhuak: *Khatla North Kohhranah* Pu

H. Lalrinmawia leh Pu R. Lalrinfela; *Nisapui Kohhranah* Tv. H. Lalţhazuala leh Tv. R. Lalrorêlkima.

Ni 26.3.2026 khân *Ngopa Kohhranah* Tv. H. Lalţhazuala, Instructor leh Tv. R. Lalrorêlkima.

Ni 28.3.2026 khân *Leitan Kohhranah* Pu H. Lalrinmawia, Senior Music Instructor.

## PRISON MINISTRY

March ni 27&28, 2026 khân Kolasib District Jail-ah rawngbâwlin Rev. Lalhleia, Director leh Counselor-te – Pu David Lalnunsânga Colney, Pu Lalchhanchhuaha leh Ni. Lalrinzuali-te an kal.

**HARHNA THLEN NI**

April ni 4, 2026 kha Mizorama harhna thlen ni champhaphâk a ni a, a kum 120-na a ni. Mizoram Presbyterian Kohhran chuan inkhâwm tum khat atân programme a siam a, 'Harhna dik chang tûrin sual sim a ngai' tih thupui zir ho a ni.

Mizorama harhna lo thlen tan hun hi Synod chuan uluk taka a zir chian hnuah, kum 1982 Synod chuan April ni 4, 1906 hi Mizorama harhna lo thlen tan ni atân a pawm a, a hman dân tûr pawh SEC kutah a dah a. Kum 1984 aţangin kum tin April ni 4 hi Harhna Thlen Ni tiin kohhran ni pawimawhah hman a ni ta a ni. Kum 2006 khân harhna thlen kum 100-na pawh kohhranhoten ropui takin kan lo lâwm tawh a nih kha.

**CHAKMA CONVENTION HMANG**

March ni 13–15, 2026 khân Chakma Convention vawi 15-na chu Tuichawng Mission Compound, Home Mission South-ah hman a ni a, thupui 'Khawvêl mamawh – Isua' tih chu Rev. Sujindro Chakma i/c Chawngte P-in a sawi.

Convention-ah hian riak lût mi 460 vêl an awm a, inkhâwm tam ber tumin mi 630 vêl an inkhâwma hriat a ni. Tuichawng khua bâkah a chhevêl Chakma khaw hrang hrang aţangin Kristian leh Kristian lote pawhin convention hi an hman a, Pathian thu pawh an dawng tha hle. Convention chhûng hian missionary leh Masihi Sangati Evangelist-ten ringlote pualin counselling class an buatsaih thîn a, belhtu thar panga an awm a ni.

Inkhâwm bân hun remchângah Fellowship leh Variety Programme hman thîn a ni a, kohhran leh Branch Church tin aţangin special item chi hrang hrang a awm thîn a ni.

Chhim Area-ah hian Pastor Bial 23 a awm a, chûng zînga bial 5 vêl chu Chakma leh Bru awmna a ni a. Chutah chuan sikul te, dispensary te, craft centre te awmin, Evangelist-ten hma an la mêk a ni.

**NPSS RECITATION INTIHSIAK**

MSSU leh Synfo ţang kawpin an buatsaih NPSS Recitation intihsiak chu tluang taka zawh a ni ta.

He intihsiak hi Naupang Sunday School, Beginner Department aţanga Senior Department inkâr tâna buatsaih a ni a. Group hnihah then a ni a: Group 1-naah Beginner Department aţanga Junior Department an awm a, Group 2-naah Intermediate department aţanga Senior Department an awm.

Intihsiak Elimination Round hi ni 19.3.2026 khân Presbytery hrang hranga kohhran 20-ah buatsaih a ni a. Hetah hian naupang 640 vêl an tel a, an zîng aţangin mi 105 thlan chhuah an ni.

March 25&26, 2026 chawhma dâr 10 aţangin Châltlâng Presbyterian Kohhran Centenary Hall-ah mi 105-ten intihsiak an chhuzawm a. A ni khatnaah mi 52 an intihsiak a, a ni hnihnaah mi 53. Chawhnu dâr 2-ah result puana lâwmman sem a ni. Rev. Dr K. Lallâwmzuala, ES i/c MSSU-in hunserh a hman a. Hetah hian Naupang Pual Media Mal Zai Intihsiaaka Top 3-te: Lalţhatluangi Fânai, Tanhril Kohhran; K. Lalfakzuali, Republic Vêng Kohhran leh Lalruatfela, Tlungvêl Field Vêng Kohhrante an zai baw.

Intihsiaaka lâwmman dawngtute chu:

**Group I (Beginner Dept–Junior Dept)**

1-na: *Malsâwmzêli Hauhnâr*  
d/o H. Lalhlipua, Aizâwl  
Vênglai, Junior Dept



2-na: *Eva Lalnunthangi*  
d/o J.H. Chunglianthanga, Bûngkâwn  
Junior Department

3-na: *Lalramnunhluï Kiangte*  
d/o K. Lalbiaktlinga, Rêngdîl  
Junior Department

**Group II (Intermediate Dept–Senior Dept)**

1-na: *Lalsângliani*  
d/o Lalruatfela, Zêmbâwk  
North, Senior Department



2-na: *Lalbiakdiki*  
d/o Lalhmangaihsânga, E. Lungdâr  
Senior Department

3-na: *Marthi Malsâwmzêli*  
d/o C. Lalmuankima, Kolasib Vênglai  
Senior Department

Lâwmman 1-nain ₹50,000/- leh thuziak, 2-nain ₹30,000/- leh thuziak, 3-nain ₹20,000/- leh thuziak an dawng a. Top 10-a tlingten ₹5,000/- an dawng theuh baw.

**MIZORAM CHRISTIAN COLLEGE (MCC)**

**Workshop hman:** MCC-a Department of Mizo chuan ni 19.3.2026 khân CYMA Hall-ah Mizo Rochun Thawnthu leh Rimawi zir hona (Workshop on Mizo Folklore Showcasing Cultural Identity through Music and Narrative) a hman a. Hetah hian chawhma lamah Dr H. Lalbiakzuali, Associate Professor, Govt T. Romana College-in hun a hman a. Chawhnu lamah Mizo Rimawi (Folk Music) lam thupui zir ho a ni thung a. Hetah hian Pu Zothanmawia, Folk Music Instructor, Art & Culture Department, Govt of Mizoram chuan hun hlâwkpuiawm tak a hman baw.

**A Day with CKTP hman:** Ni 20.3.2026 khân YRC Convention Centre, Falkland-ah MCC-a 6th Semester zirlaite pualin 'A Day with CKTP' Programme hman a ni.

Hun khatna hi Pu Nicholas Lalbiakzuala, Asst Leader, Central KTP-in a kaihrui a. Rev. Dr K.M. Vânlalpêka, Leader, Central KTP-in 'Zirna leh Rawngbâwlna' tih thupui hmangin thu a sawi. Hun hnihna chu T.Upa Lalremsiama Kiangte, Committee Member, Central KTP-in a kaihrui a. Upa Dr Tâwnênga, MCC Principal-in thu a sawi thung.

**Industrial visit:** Ni 12.3.2026 khân Management zirlaite chuan Industrial Visit-in tissue paper siamna hmunpui, Lusei Tissue, Lêngpui an tlawh a, paper an sâwngbâwl dân leh siam chhuah dante a hmuna an en a ni.

**Cultural Day hman:** Ni 12.3.2026 khân MCC chuan Chapchar Kût pualin Cultural Day a hman a. Hemi ni hian zirlai leh zirtirtu zawng zawng chu Mizo hnam thuanin an inthum a, classroom-ah Zo nun ze mawi inhrilha infuih thar a ni. Zirlai zîng aţangin Mizo hnam thuanin inthum mawi ber (mipa leh hmeichhia) thlan a ni a: mipaah Lalngaihawma, 4th Semester, Department of Mizo chu thlan a ni a; hmeichhiaah Lalchhandami Sailo, 6th Semester, Department of English chu thlan a ni baw.

**Competition-ah tel:** Ni 14.3.2026 khân Irrigation & Water Resources Department, Govt of Mizoram a buatsaih '29th International Day of Action for Rivers Painting and Poetry Writing Competition'-ah MCC aţanga tel Vânlalawmpua, 6th Semester, Dept of English chuan lâwmman 3-na a dawng.

**Legal Awareness:** Ni 16.3.2026 khân MCC IQAC leh Internal Complaint Committee on Sexual Harassment-ten 'Legal Awareness' an buatsaih a; Dr K. Remruatfela, Advocate, Gauhati High Court, Aizâwl Bench chu speaker a ni.

**International Women's Day (IWD) hman:** Ni 30.3.2026 khân IWD puala college-a hun hmanah Prof. Lalbiakdiki Hnamte, Dept of Education, MZU-in hun hmangin, zirlaite fuihna thuchah a sawi.